



随园随笔

1	曹	5
25		
2		

二



僧門
號 25
卷 2



隨園隨筆卷三目錄

禘四解

綿莊先生解禘與昌黎畧同

齋二義

塵二義

法

徹非通力合作之謂

君晏別立主人

一獻

贊有授奠之分

杖二義

奇拜似打踰而非踰

肅拜似扶而非扶

婦人不跪而亦跪

郊天再拜

稽首最重

稽首空首頓首之分

隨園隨筆 卷三目

揖諾拉手

受拜者先拜其先

一坐武坐

古不輕拜人

亦不輕受人拜

郊日不弔

而伊川不知

國君不死社稷

而崇禎不知

嫡母無厭

而趙岐不知

無父而弔

亦可

異姓不為後而為後亦可繼父不祭而祭亦可

女不主喪而主之

亦可

喪不弔而弔亦可

分家非禮而分家

亦可

廟無二嫡

而兩夫人並廟亦可

三十而娶

而未三十娶亦可

合葬非古

繼嗣非古而禮有

通

小宗不可絕而可絕

同姓不為婚

姓氏

宗譜非今可行

師作衆字解

異姓不稱族稱族

亦可族

兄弟不必同姓

嫁娶遭喪

主人以禁客食為禮

妾母之喪

假葬

康王之誥陳書有說

婦翁不甚尊

婿稱門人

親家無相見禮

養媳即待年之女

而有類于拜時

婿拜婦家祠廟

會親

先配後祖三解

下達二解

入門卽廟見當用儀書

昏禮攝盛非僭

昏禮用樂

舅姑先行賓主禮

昏禮亦賀

往送之門

夫嬭交拜

嬌客

爭財禮非禮而似禮

女家回禮

嫁粧

催粧

回門

養老女婿

改嫁

聖賢高士有妾

借妾

以孫爲子以子爲孫

已受命而未赴任應行故吏之禮

填諱非禮

坐而稱諱

避諱可笑

兼避字諱

古稱字最貴

不避諱更可笑

目稱其字非禮而自稱亦可

稱先子

嚴君三稱

考妣三稱

尊老二稱

府君二稱

先君可以稱遠祖

太公二稱

妻亦稱孺子

男子稱寡稱嫁

高祖乃遠代之通稱

父稱官姑稱阿家

從子稱姪男非古而稱亦可

稱卿

別字非古

賜號之奇

唐人稱郎最貴

稱謂之奇

稱謂愈降而僭

襍稱

大娘

側室三稱

丈人五稱丈母亦長老之泛稱

妾有女可稱庶母

妾稱姬

父兄稱先生

甥有四稱

稱內兄弟有二而皆非妻之兄弟

稱別子有三

餘子

稱慈母有三

稱先輩有五說

稱憲臺

稱大人三解

遠主當遷故大祭以審昭穆若然則魯僭禘晉亦僭禘
歟左氏曰魯自禘樂賓祭用之

綿莊先生解禘與昌黎合同

左氏有禘無祫公羊毛詩有祫無禘周禮無禘祫戴禮
有禘有祫論語禘自既灌而往聖人不欲觀者程綿莊
以為既灌以後魯用朱于玉戚之舞僭天子故也非認
其誠敬之衰也魯惠公使宰讓請郊廟之禮于天子天
子使史角往惠公止之其後在魯為墨翟之學事見呂
氏春秋仲春紀可以証戴禮成王賜周公之詛韓昌黎

註論語則合禘自既灌而往或問禘祭如在三章為一
章言僖公亂昭穆之序行逆祀之禮聖人傷之故曰吾
不與祭如不祭言已不得在位之權正其祭禮故雖禘
祭如不祭

齋二義

或疑周禮王齋日三舉是齋時用牲更盛而朱子註齋
云不飲酒不茹葷似佛氏之齋按莊子顏回曰回家貧
不飲酒不茹葷者數月矣孔子曰是祭祀之齋非心齋
也莊子一書實在周禮之前朱子本莊子而不太周禮

是矣或謂儀禮喪服章既練素食哭無時康成註素食為平素所食非蔬食也顏師古匡謬正俗駁之引霍光傳群臣奏昌邑王居喪不素食則是蔬食之義王莽傳莽聞水旱輒素食太后詔之食肉康成所注誤矣

廛二義

孟子市廛而不征之廛是稅名廛無夫里之布之廛是居宅大約夫布即後世之口錢里布即門攤之稅也朱註混兩廛字而一之又合周禮閭師夫布之文而專引載師以夫家之征當夫字解用康成一夫百畝之稅之

說而不刪去一家力役之征句是又添一稅也戰國雖橫暴亦不至廛征夫里橫集一門此論見陳見復司業咫聞錄中

法

江雙池以為周禮門關市皆有征所謂紵布者列肆之稅也總布者無肆而列市之稅也廛布者商賈所居屋也此孟子之所謂廛也所謂質布者所罰犯市禁者之稅也罰布者所罰買賣不平之稅也此孟子之所謂法也五布不必皆出錢即征其所有之貨以當廛稅若既

取屨稅則不征其貨是屨而征也凶禮則市無征然質布罰布自不可弛是法而不屨也周人征屨于市則不復征貨于關征貨于關則不復征屨于市其或出于關而不出市者則關征之或近地入市而不由關者則市賦其屨皆只一征無二征也戰國不然故孟子屢言之

徹非通力合作之謂

趙岐註孟子云周制耕百畝者徹取十畝以爲賦訓徹爲取與孟子雖周亦助之說相合康成訓徹爲通且云周人畿內用貢法邦國用助法于經並無明文朱子因

之悞以通力合作爲徹以公私內外俱可不立而與孟子其中爲公田之說不合左氏曰穀出不過藉杜註借民力以耕公田所收不論此數正合孟子雖周亦助之說谷梁曰古者什一藉而不稅私田稼不善則非吏公田稼不善則非民孟子有食九人食八人之農使通力合作則無善稼不善稼之分與九人八人之別矣周行徹法而公劉在夏后之時已有徹田爲糧之詩似乎三代之法寬列國各行其制如三正並用之說

君晏別立主人

古君與卿燕膳夫為主大夫為賓所以別立主者仲公之尊也正主正賓僕僕拜起故也君不為主君不勞而賓亦可以盡懽介有賓必有介介今之副也如賓死則介為主人今之使于外國者有副主試者有副皆以備不虞也

一獻

主酬賓賓酬主主又酬賓曰一獻自此三獻九獻皆推而廣之

贊有授奠之分

古平輩相見者授奠若卑者見尊者則奠實而不獻婿至婦家親迎所奠之雁即贊也

杖一義

杖有擔主輔病二義而擔主尤先故禮夫為妻杖則子不杖矣父為長子杖則孫不杖矣無杖則不成喪故女子在室而父亡無男昆弟則女子杖姑在為夫杖必其無子也母為長子削杖必其無父也此三者皆無主之喪庶子不杖而輔病則杖童子不杖而當室則杖庶人不杖而長子為主以接賓勞則杖父為適子妻杖故適

子喪妻不杖庶子不然禮記父母在爲妻不杖不稽顙亦爲宗子而云也

奇拜似打跽而非跽

鄭註周禮奇拜爲屈一膝疑卽今之打跽金罍子以爲奇拜如今之一叩以一足畧屈欲作拜勢而非打跽也打跽卽淳于髡之容請鞠脛脛半跪也田蚡傳餘半膝席是也通雅以爲奇者不偶之稱謂一拜也後漢書高句麗在遼東之東跪拜曳一足是則打跽之所由始矣

肅拜似扶而非扶

禮註肅拜是婦人之拜以兩拜夾一拜故曰俠拜劉熙釋名婦人拜曰扶言抽扶而上下其手卽袂拜也朱子以兩手至地而頭不下爲肅拜與古註不同似又非扶矣愛日齋叢抄以爲古人坐卽是跪俯手如揖便是肅拜古人所以有母拜其子姑答其婦者蓋跪坐在地拜本易也鄭註肅拜若今揖亦是軍中之禮介冑之士不拜以甲冑在身不能折腰婦人首飾煩重亦不能折腰故均以肅拜行之通考以婦人肅拜爲吉禮手拜爲凶禮手拜者手至地也可見肅拜似扶手不至地

婦人不跪而亦跪

北史周天元始令婦人拜天臺如男子拜則從前之不拜可知宋明肅太后欲親自郊天大臣爭之不能得薛簡肅問陛下服衮冕將為男子拜乎為女子拜乎太后意阻然古樂府伸腰再拜跪問客今安否又長跪問故夫王建宮詞男兒跪拜謝君王婦人未嘗不跪蘇秦嫂四拜自跪而謝吕后跪周昌亦是一証張建章勃海國記言不跪始於武后王貽孫引之以答宋太祖而其實則非也

郊天再拜

李涪刊誤以為唐祭天地只再拜今婦拜姑必四非禮也誤于禮疏跪獻衣服筐篋故也魏了翁古今考以為褒拜即再拜禮大夫之臣不稽首非尊家臣蓋避君也後世乃有朱萬拜令人齒冷大抵古人拜不甚多朝見天子五拜見東宮四拜見父母亦四拜其餘見長官只兩拜續通考言之甚詳

稽首最重

荀子平衡曰拜下衡曰稽首至地曰稽顙鄭註拜而后

稽顙曰吉拜謂齊衰不杖以下者稽顙而后拜曰凶拜
謂三年服者空首至輕爲君答臣下之拜稽首至重故
郊特牲曰大夫之臣不稽首非尊家臣尊君也左傳孟
獻子相魯公稽首知武子曰天子在而君辱稽首寡君
懼矣

稽首空首頓首之分

金壘子曰稽首者首至地而稽留頓首者首觸地而即
起空首者謂以兩手拱至地乃頭至手也振動者得罪
而震驚之義褒讀爲報再也拜神與尸也奇拜卽雅拜

先屈一膝也其實振動卽稽首吉拜附頓首凶拜附稽
顙奇褒附稽首拜只四而遂類附名以爲九也王敬哉
以稽首與稽顙之分在有容與無容而已

揖啐拉手

今吳語以揖爲唱啐老學菴筆記曰先君言舊制朝參
拜舞而已政和而後增以啐宋許國爲安撫制置使受
李全庭參幕府章夢先令其隔簾貌啐又有瞻笏之儀
其制未詳古所謂揖但舉手而已宋所謂啐乃始于江
左諸王支道林入東見子猷兄弟曰見一群白頸烏喚

啞啞聲卽喏也鄭註推手曰揖引手曰厭厭似近今拉
手之禮遼本紀聖宗詔侍御撒拉獎諭樞密使貫寧代
行執手之禮

受拜者先拜其先

前輩見通家子弟將受其拜先設一空位象子弟之祖
父已先拜之而後受子弟之拜見孔氏禱說

一坐武坐

愧郊錄辨一坐武坐之儀以為皆跪也朱子有白鹿禮
殿塑像說漢文翁石像是跪坐不是跏趺蓋臀壓膝而

坐也非今之盤膝也盤膝乃是原壤之夷俟一名魁踞
一名跏趺

古不輕拜人亦不輕受人拜

晉庾亮諸兄過邑人陳準家不肯拜其母曰夫拜其親
者將自同于人之子也亮與準交未若弟兄不應拜也
東漢王丹不受侯顯拜顯曰家公與君交故拜丹曰君
房雖有是言丹未之許也故不敢受也張詠不喜人拜
有見者與客預戒之有違者詠連拜不止

郊日不弔而伊川不知

郊特牲云郊之日喪者不哭不敢凶服敬之至也宋哲宗賀明堂禮成溫公薨已六日群臣是日往弔原爲非禮伊川不引郊特牲禮以折東坡而乃引論語是日哭則不歌致爲所戲坐經學之踈又按梁書左軍將軍馮道根卒是日上春祀二廟帝問朱异吉凶同日可乎异引檀弓衛侯祭廟弔柳莊之事以答東坡知戲伊川而不知引此事以答亦作史學之踈

國君不死社稷而崇禎不知

曲禮曰國君死社稷註云死其所受于天子也爲諸侯言之如今之督撫死一省之社稷州縣死一郡之社稷也若天子固以四海爲家矣春秋天王出居于鄭天王狩于河陽正此義也明懷宗不肯南遷似誤讀曲禮未讀春秋之累卽以諸侯論若公劉太王皆夏商諸侯也亦何嘗不遷而必拘拘死社稷乎先儒言東坡周平王一論悞欽宗于前又悞崇正于後

嫡母無厭而趙岐不知

趙岐註孟子稱庶子喪母有厭于君夫人之說晉胡澹因生母喪而嫡母存疑于所服問范宣宣曰婦人無專

制之事不得引父爲比而屈降其子云云似庶子喪其所生之母惟父得厭母不得厭按禮有死于宮中者爲之三月不舉祭亦甚言庶子之父不可奪其子之喪矣父且不可厭而況其母乎古者卿有側室大夫有貳宗父子異宮聽庶子自居其宮而遂其服也北朝劉豐八子皆庶出一子喪母八子偕服傳爲佳話

無交而弔亦可
今有人素無交而往弔喪者似乎可笑而恰合古禮按禮記相趨也出宮而退相揖也虞耐而退相問也既封

而退相見也反哭而退朋友也虞耐而退以情之厚薄爲去之早遲所謂相趨者慕名之人相揖者曾一揖之人皆非朋友也東漢會葬動至三萬餘人太邱雖道廣諒不至友多如是北史和士開母喪有丁鄒巖與爲義孝人多笑之是亦無交而弔之流弊也

異姓不爲後而爲後亦可繼父不祭而祭亦可
異姓爲後者魏陳矯本劉氏子而出繼舅家遂姓陳吳將朱然本姓施以姊子爲朱後遂姓朱晉書周逸本左氏子爲周所養周後有子時人譏逸不復姓逸歷序古

事以自解或問望溪先生爲後可祀先人否先生曰以恩與義屬而世祀焉誠也以氣屬而命之曰爲後僞也古之有國家者祀九皇六十四氏以及因國之無主後者而況其所養乎然不計其祖宗也禮疏繼父祭無尸稷餽而已不三獻陽厭而已

女不主喪而主之亦可

白下布衣朱草衣死無子命其女主喪人多笑之予按喪服小記稱婦人不爲主而杖者姑在爲夫杖母爲長子削杖女子子在室爲父母杖註云若成人婦人在家

爲父母雖不爲主亦杖是女子亦可爲主也杖本擔主之名女子既杖矣又何不可以主喪較之東西隣與里尹不庸愈乎又大記曰無男主則女主拜男賓于阼階下既曰女主則不論母妻女子矣草衣所行亦猶行古之道歟

喪不弔而弔亦可

谷梁曰周有喪魯亦有喪魯不弔周天子之喪猶不弔而況于人乎禮經已有喪雖期不弔曾子問孔子曰喪而弔不已虛乎似有父母之喪不必作外賓之弔也然

檀弓子張死曾子有母喪齊衰而弔之人以爲疑曾子曰我弔也歟哉似喪中亦可弔矣

分家非禮而分家亦可

東漢語曰舉秀才不知書察孝廉父別居唐律父在子分家者杖一百宋開寶二年罪至論死然孟子論王制止稱八口之家朱子釋之以弟爲餘夫壯而有室則別授百畝姚崇傳曰比見達官家田宅水磴都起爭端不如先有定分以杜後爭不分居者倍其賦陸賈各分其子資財而逐日就養焉是亦爲分家之証也

廟無二嫡而兩夫人並祔亦可

唐太常卿鄭餘慶有二祖妣疑于祔祭韋公肅議古諸侯一娶九女故廟無二嫡自秦以來有一娶有再娶皆嫡也兩祔無嫌引溫嶠三夫人並祔及顏真卿祖室有殷柳兩夫人並祔爲証

三十而娶而未三十娶亦可

禮妻有夫之姊之長殤之服又稱臣不殤君子不殤父是殤者有子也孔子十九而生伯魚安得有三十而娶之說猶之四十曰強而仕舜乃三十登庸矣尹子奇且

二十字邑矣

合葬非古而合葬亦可墓銘標題書配非古而墓

銘標題書配亦可

唐宋名人墓志之文少并其夫人而合撰者蓋合葬非古耐而離之也孔子曰衛人之耐也離之魯人之耐也合之善夫似穀異室死則同穴之說亦肇于周末而非三代以上之禮朱子葬父崇安葬母建陽不合葬也東漢樊恭遺合棺柩一藏不宜復見如有傷敗傷孝子之心與夫人同墳異藏可也以故錢氏云凡志墓而書暨

配某夫人者不與之詞也黃梨洲亦云婦人從夫志合葬者其題只書某官某公不書暨配某氏也然金石文字中有唐垂拱四年澤王府主簿梁府君并夫人唐氏墓志銘四品孫義陽朱賓撰大中十二年有滎陽鄭府君夫人博陵崔氏合耐墓志銘秦貫撰是唐人業已書婦矣因兩碑出於本朝終南山柳梓谷土中錢黃二公皆未見故也前明王遵岩陳東莊墓表本朝魏叔子陽一水墓表亦俱書暨配某氏標于題目之前余按夫在而妻先卒昌黎為都統韓 妻撰銘子為母刻石臨川

陶園隨筆 卷三
為楊學士母撰銘碑首標題俱冠以某官某公之妻是則錢黃二公之說雖婦人從夫之義而其間亦尚可通

融

繼嗣非古而禮有可通

古人無子爲之立後者後其繼別之宗非人人無子可以立嗣也喪大記曰喪有無後無主公羊傳曰大宗無後不當絕小宗無後當絕可見非大宗俱不應立嗣也惟禘記云大夫無子爲置後孔疏置後者謂借他大夫之子暫爲喪主一若爲之後者而喪畢卽撤仍不立

也故謂之置後若宗子則立後矣今非封建之世無諸侯宗子原無後之可立然大清律有官員襲蔭一條云有嫡立嫡無嫡立庶無庶以同族之倫次相當者繼之猶有古時諸侯繼絕之意漢石渠禮議曰大宗無後族無庶子已有一適子當絕文祀以繼大宗否戴聖曰大宗不可絕言嫡子不爲後者不得先庶耳族無庶子則當絕父以後大宗宣帝詔曰聖議是也朱文端公曰古人貲財皆入宗子之家宗子爲之祭無後者今無宗子則繼嗣之說自可通融

小宗不可絕而可絕

子夏傳嫡子不繼大宗是小宗不可絕也然檀弓子思兄死乃使其子白續伯父是以嫡子繼大宗矣孫速死而無子其弟重以長子彬後之曰重宗也是小宗亦可絕矣今俗語云大房無子次房不得有子其說亦有所本

同姓不為婚而為婚亦可

同姓不婚人皆知之然鄭夾深言姓不同而氏同可以為婚如孔子之孔出寧孔孔文子之孔本姓姬是也姓

同而氏不同不可以為婚如孔文子不得與姬姓為婚是也王伯與為康成高弟子為其兒稚賓取王處道女故劉焯以為同姓有正姓庶姓單姓複姓之分如胡母而為胡鍾離而為鍾皆宜分別論也王莽娶同姓而改曰宜春氏蓋亦未明姓與氏之分別耳

姓氏

禮疏云天子賜姓賜氏諸侯賜氏不賜姓貴有氏賤無氏男稱氏女稱姓姓者所以統繫百世而不變者也氏者所以別子孫所自出一傳而變者也天子賜姓舜之

媯周之姬是也胙之土而命之氏舜之有虞禹之有夏是也國君無氏故踐土之盟稱國不稱氏吳仁傑曰劉氏本陶唐氏則劉者本氏也欒麇取范氏實陶唐之後曰欒祈然則堯後當曰祈氏高祖劉姓當云出自祁氏歐公唐書世系表言某氏必曰出某姓是為得之秦始皇姓趙見本紀以生於趙邯鄲故也故陸賈曰秦任刑法卒滅趙氏猶得古人不襲姓之義大抵易氏之法以官以賜以字以諡以民以居以伯仲以所聞所睹所齒最不一也自公羊以王父之字為氏之說出而東門襄仲二世皆以子作孫以兄作父矣彼魯之季孟鄭之罕駟皆以身之字與父之字為氏則又何說乎朱子不信諡可為氏之說蓋未知三桓為魯桓之諡戴不勝為戴公之字也

宗譜非今可行

歐公為族譜序世系詢以下僅五世而已閱三百年琮以下才百四十年而業已十八世蘇氏為族譜序世系缺居蜀之長史而遠追陸終昆吾之渺茫是皆可笑也不知古時民不散處胙土授民左傳所云翼九宗五正

分魯六族分衛七族分晉懷姓九宗分宋周之東遷七姓從王公劉詩曰君之宗之蓋皆封建之國族未乖分故耳後人鑿空爲譜欲一以窮之難矣哉

師作衆字解

宋王文正公主禮閣題當仁不讓于師有舉子將師作衆字解文正公以爲臆說不知本漢賈逵論語註師衆也非臆說也

異姓不稱族稱族亦可

族皆同姓孔疏堯典言之甚明然杜甫寄唐八使君云與君同陶唐民盛族多人韓愈送何堅序云何與韓同姓爲近是異姓亦可稱族也

族

氏卽通于族左氏爲無駭請族公命以爲展氏是氏卽族也然族無不同而氏有不同如八元八愷出于高辛氏謂之十六族是氏有不同族也商氏條氏徐氏謂之六族陶氏施氏謂之七族宋華氏謂之戴族向氏謂之桓族是族無不同氏也氏之萃聚曰族宗則祖貫之名氏族易改而姓難稽故曰買妾不知其姓則卜之

兄弟不必同姓

晉語司空季子曰同姓爲兄弟黃帝之子二十五人其同姓者二人而已惟青陽與夷鼓皆爲己姓其餘四母之子別爲十二姓少典娶有蟠氏生黃帝炎帝黃帝以姬水成故姓姬炎帝以姜水成故姓姜是兄弟不必同姓也

嫁娶遭喪

曾子問婚禮納幣有吉日矣婿之父母死則如之何孔子曰婿已葬婿之伯父致命女氏曰某之子有父母之

喪不得嗣爲兄弟使其致命女氏許諾而勿敢嫁禮也婿免喪女之父母使人請婿勿取而后嫁之禮也女之父母死亦如之孔鄭俱解爲別嫁別娶朱文端以爲上古列國分爭嫁娶難延至三年之期慮有他變故也毛西河以爲此告吉而遭喪之變禮也使遭喪而未告吉則免喪後詣女氏而請吉期何必致命而無如其已告也已告則女待嫁矣待嫁則必于既葬之後致命不娶而后女氏勿敢嫁謂不敢來嫁也蓋愆吉也既免喪可卽吉矣然女人臨嫁又必來請婿且不取及來取而后

嫁之謂不忍卽吉也蓋承喪也徐題客以爲此不過兩家遭喪措詞之節文所云嫁者仍嫁其遭喪之家也其說與西河合

主人以禁客食爲禮

有飲於方望溪先生者先生絕不勸客客亦不舉或問先生主人宜勸客食而先生與客嘿然空坐豈禮也歟先生曰禮主人宴客客將飯主人必攔禁客以粗糲爲辭客必強殮之以爲至美此古禮也今主人勸客而客反不殮豈禮也哉人聞望溪之言以爲詭衆且不知所

出矣按禮記孔子食于少施氏而飽客將祭主人辭曰不足祭也將殮主人辭曰不足殮也望溪所引大槩本此然亦太泥矣宋處士陳烈弔喪自門外膝行而入人問故曰詩不云乎凡民有喪匍匐救之泥古之病必至於此

妾母之喪

公羊云魯宣公如齊有妾母之喪春秋善之妾子爲諸侯不敢以妾母之喪廢事天子大國之禮故也左氏則讓宣有母二年服而出朝會非禮也通典駁之云庶子

爲母自天子至庶人不得三年魯襄公所以得尊其妾
母敬嬴爲夫人者以夫人姜氏大歸不反故也

假葬

儀禮士喪禮之碑卽假葬也謂先掘地掩棺使人不見
也然三月而葬則碑亦不久乃晉郗詵母亡便于堂北
壁下棺三年而除衛瓘非之詵曰城中高燥故卽葬于
所居之室不知其不可也通典因之遂有假葬三年卽
吉之議余按曾子問下殤用棺衣自史佚始史佚有子
殤而墓遠將棺殮于宮中曰吾敢也乎成召公爲問于

周公而許之其卽假葬之說歟黃梨洲曰古者棺必有
槨槨外散木而塗以泥累以旣甌是爲殯也

康王之誥陳書有說

東坡疑康王卽位麻冕用幣以爲非周公之制毛西河
駁之以爲新君登極宜用吉禮是也不知陳書沈文阿
先有此說陳高祖崩世祖卽位羣臣議謁廟之禮文阿
議曰旣葬有公冠之儀始冕受麻冕之策示天下以有
主也惟三宿三啜上宗曰饗斯葢祭儻受福非賀酒耳
東坡若讀陳書便無此疑

婦翁不甚尊

婦翁古不甚尊按儀禮婿不親迎則婦入三月然後婿見曰某以得爲外婚姻請覲不稱子婿主人對曰某之子未得灌溉于祭祀請吾子之就宮某將走見何詞之卑也曾子問婿已葬致命女氏曰有父母之喪不得嗣爲兄弟註云婿于女之父母有總服故謂之兄弟婚禮婿見主婦主婦闔門立于左扉註云兄弟之道得相親也然則今之丈人丈母其古之兄弟行乎余按帝館甥于貳室亦享舜迭爲賓主是婿與婦翁行賓客禮帝王

且然矣程子婚禮有次日婿拜婦氏之門之禮今之謝親也然則行親迎之禮則婿已備見女家父母諸戚矣程子所云亦爲親迎禮廢故也司馬書儀親迎見妻之父兩拜卽同其女行受婿拜者跪而扶之宋文端以爲主婿闔左扉者初見禮如是再見則殺否則丈母與婿太疎隔矣史記陳勝稱王後見妻父不拜妻父怒不辭而去魏儒林傳眭夸事其嬖翁魏攀不執婿禮如朋友而已

婿稱門人

李漢之于韓文公黃幹之于朱子皆婿也然見于文集者只稱門人不稱子婿

親家無相見禮

呂氏四禮疑曰昏禮六而二姓父母無相見之文春秋公如齊納幣蕩伯姬來逆嬭俱以取譏

養媳卽待年之女而有類于拜時

今人有養媳始于春秋待年之女而有類六朝拜時之說按隱七年叔姬歸于杞公羊註伯姬姊也待年于父母之國許慎曰姊年十五以上能共事君子可以往二

十而御拜時者東漢以後權宜之制其禮以紗蒙女首送往夫家而夫發之因拜舅姑便成嬭道無六禮不合蚤張華謂拜時之嬭成禮于舅姑三日之昏成吉于夫氏山濤以拜時爲重成吉爲輕引不廟見而女死仍葬女氏之黨爲証余按拜時者禮畢卽歸今之養媳竟依夫氏亦微有不同

婿拜婦家祠廟

婿拜頌家祠今世動以爲恥不知禮古無服人同爨猶總而况婿乎故程子昏義有此一條而張子全書以爲

同居則朔望宜拜

會親

曲禮凡昏者為酒食以召鄉黨僚友以厚其別此即今之會親也漢宣帝紀有寬民間嫁娶酒賀之禁開元禮以會親禮列于送親者之前則是昏日宴飲非若今日之會親後娶嬪一日矣

先配後祖三解

鄭忽先配後祖賈逵云三月廟見而后配也鄭眾以配為共牢食也康成以祖為祓道之祭

下達一解

婚禮下達二字康成以為媒氏通達兩氏之言敖繼公以為天子下達庶人

入門即廟見當用書儀

毛西河作昏禮辨正數千言以新婦入門不謁廟不見舅姑遽成昏為野合引左氏先配後祖之譏又引圍布几筵告于莊共之廟為証余按朱子所謂昏禮自下做上之說原不甚協若慮其不女而姑且先昏以試之是以不肖待人非先王敦厚崇禮之義不如宋史禮志昏

禮贊者徹酒饌引見舅姑祖稱溫公書儀嬭入門舅姑牽嬭拜影堂納采前一日主人先告于影堂果如是則毛氏何譏焉

昏禮攝盛非僭

攝盛者越一等之謂也凡士昏得用大夫之禮女亦如之如乘墨車墨車者大夫車也執雁雁者大夫贄也何彼穠矣注衣服不繫其夫下王后一等是女父之貴貴其女也謂之攝盛亦謂之下達見傳是齋日記

昏禮用樂

關雎琴瑟友之鐘鼓樂之樂也車牽章式歌且舞樂也左氏有鳳凰于飛和鳴鏘鏘之語樂也古有房中樂樂也郊特牲曰昏禮不用樂幽陰之義疑是漢儒一家言

舅姑先行賓主禮

張南士曰婦至時父母出迎一于門外一迎于階登堂交拜行賓主禮所謂見嬭也舅姑率嬭告祭祖禰次日以子嬭禮見所謂嬭見也至于卽日成昏二日成昏考之禮經二代亦無確証大抵古人以夫嬭爲輕以子嬭爲重故雖成婚未庸見者仍葬女氏之黨宋儒以夫嬭

隨園隨筆 卷三
為重以子嬭為輕故朱子家禮婚三日而始庸見

昏禮亦賀

戴禮曰昏禮不賀不知左氏罕虎如晉賀夫人是昏禮亦賀也禮賀娶妻者曰某子使其聞子有客使其羞羞者佐其供具客者鄉黨僚友之賀客豈非昏禮亦賀之証歟

往送之門

孟子往送之門乃女氏之門非婿門也按穀梁父送女不下堂母不出祭門諸母兄弟不出闕門夫祭門尚不

出何能至婿之門乎若果是婿門則下文往之汝家反成贅語國語季康子見文伯之母闕門而與之言即此門矣

夫嬭交拜

禮無夫嬭交拜之文惟隋書禮志皇后入昭陽殿后先拜後起帝後拜先起是其証也

嬌客

嬌客二字見老學菴筆記秦檜有十客以婿為嬌客爭財禮非禮而似禮

女家爭財禮聘物最爲惡俗按韓詩外傳曰夫邑邑行
露之人許嫁矣然而未往也見一物不具一禮不備守
死不往君子以爲得嬾道之宜故舉而歌之然則今之
爭聘物者似亦有所本

女家回禮

男家納幣後女家回禮鄭司農有女家答詞奉酒肉若
于其他無有也夢梁錄乃有金銀珠翠等物

嫁粧

戴禮襍記諸侯出妻有有司官陳器皿一節鄭注器皿

夫人來時所賚之物孔疏陳夫人嫁時之物益粧奩也
後漢戴鸞嫁女以木屐竹笥遺之物雖薄亦是器皿之
義毛詩以爾車來以我賄遷亦此義

催粧

北齊昏禮設青盧夫家領百餘人挾車呼新婦子催出
來唐遂有催粧之語中宗守歲以皇后乳媪配竇從一
誦却扇詩數首胡三省註卽催粧也天祐中南平王鍾
傳女適江夏杜洪子時已昏暝令人走乞障車文于湯
負篋命小吏四人執紙倚馬而成卽催粧也

回門

今人女嫁彌月後與婿歸來號回門始于公羊傳高固及子叔姬來曰何諸爲其雙雙而俱至者歟古諸侯大夫有反馬之禮謂留母家之馬于夫家防以不謹被黜之意謙也大夫士親迎故無反馬之禮

養老女婿

至元八年有詔凡民間贅婿養老者寫明婚書著爲律

改嫁

禮有同母異父之服繼父同居者服齊衰三代以一婦

人改嫁不以爲非凱風一篇衛有七子之母不安其室而孟子以爲小過衛共姬有栢舟之詩先儒謂之守義不謂之守禮子思之母改嫁于衛之庶氏韓昌黎之女先適李漢後適樊宗懿人疑改適時昌黎已亡然范文正公之子婦先嫁純禮後適王陶陶卽公之門生也時文正尚居相位而孀婦改適不以爲嫌所立義莊有給孀婦改嫁之費公母謝氏改適范氏以公貴封吳國太夫人唐相權文公之女嫁獨孤郁以得佳婿至于天子動色相羨其實養也薛居正妻柴氏移貲改嫁張齊賢

向敏中意欲奪之一名賢一名相也明王端肅公恕亦娶陳郎中妻于服中封一品夫人可怪者伊川云婦人寧可餓死不可失節乃其兄明道之子婦亦改嫁王氏何耶所交好之邵堯夫母亦江隣幾之妻改嫁邵氏者也惟隋開皇十六年詔官員九品以上夫亡妻不許改嫁五品以上夫亡妻不許改嫁宋史宗室傳汝南王允讓最賢為大宗正奏宗婦年少喪夫雖無子不許嫁非人情請除其例

聖賢高士有妾

孔子有妾見孔叢子子貢對楚昭王曰孔子妻不服采妾不衣帛孔明有妾見答李巖書曰吾受賜八十斛畜財無餘妾無副服陶令雍端二子皆年十三亦是有妾之証

借妾

宋稗類鈔載陳了翁之父尚書公與潘良貴義榮之父交好一日潘謂陳曰吾一人爵齒相似獨一事不如公蓋自傷無子也陳曰我有一婢已生子矣當以奉借他口生子須見還耳已而遣婢至卽了翁母也未幾生良

附錄卷三
貴母遂往來兩家焉一母生二名儒當代榮之宋人家
法最謹嚴而此事皆今人所不爲

以孫爲子以子爲孫

五代史陳洪進傳有相者言洪進一門受祿當至萬石
時洪進與三子文顯等皆領州郡而文顯之子始生洪
進欲實其言乃以爲子名文瑱與父並行宋史王普傳
普子貽孫貽孫子克明尚太宗鄭國公主改名貽永令
與其父同行此以孫爲子也五代史晉家人傳重九高
祖弟高祖愛之養以爲子故名下齒諸子宋史周三臣

傳李筠保澤州太祖拔其城筠將赴火妾劉氏欲俱死
筠以其有娠麾令去筠子守節購得之生一子守節卒
無後以劉氏所生之子爲嗣此以子爲孫也

已受命而未赴任應行故吏之禮

晉庾仲文爲劉義康主簿未就而徙爲丹陽丞人疑于
府公敬禮若何裴松之議曰仲文爲吏之道已定于受
勅之日宜以吏禮見引春秋祭仲迎王后于紀之文以
斷之

填諱非禮

今人作祖父行狀未書某人填諱未知起自何時大抵六朝諱親名過甚後人遂因而附會之且必求一顯貴之人爲之列官稱爵而填之非禮也按曲禮卒哭乃諱蓋葬而虞虞而卒哭虞之前事死如事生故不諱也檀弓曰卒哭宰夫執木鐸以命曰舍故而諱新亦卒哭乃諱之義今人立行狀時未葬未卒哭又何諱之填喪服小記書銘自天子達庶人一也男子稱名婦人稱姓檀弓云銘明旌也以死者爲不可別故以旗識之名可書于旌獨不可書于行述乎今婦人狀亦書填諱婦人有

氏而無諱又何諱之填乎況子貢子思稱仲尼子路稱孔邱樂正子稱孟軻屈平稱皇考伯庸春秋稱臧孫紇論語稱杞不足徵不在其位詩稱宣父公劉克昌厥後駿發爾私曹志爲植之子而上表稱幹植無私不諱植杜甫父名閑詩中不諱閑史公自序曰喜生談談生遷李翱皇祖實錄曰公諱楚金顏氏家廟碑曰公諱惟貞字叔堅陳子昂作父墓志曰公諱元敬皆自填諱也

生而稱諱

歐公疑樊毅西嶽碑生而稱諱不知漢宣帝詔曰天子

之名難名而易諱也是生而稱諱之証也

避諱可笑

避諱始于秦始皇以莊襄名楚改楚為荆已名正改正月為一月漢因之改盈曰滿徹曰通此後甚于六朝而唐沿之殷仲堪不肯稱父名于君前曰臣進退惟谷晉鄭后名春改春秋為陽秋此後父名晉子不得舉進士父名臯子不得于高姓主司門下登科父名龜子為主司黜歸姓者劉溫叟父名岳終身不聽樂宜乎孫休之八子有靈商之名梁之四公有仇覽之號矣又政和間

考試官遇大哉堯之為君及君哉舜也字句皆避以為哉與災音同正蔡京當國時小人諂媚行徑更可笑者君上為臣子避諱而改朝廷之官名建隆初慕容彥吳廷祚皆拜使相因彥釗父名章廷祚父名璋為改同中書門下平章事為同二品紹興中沈守約湯進之二相父皆名舉遂改提舉書局為提領善乎杜祁公曰父母之諱在我而已于人何與焉抵某任吏來請諱曰我無所諱只諱枉法職

兼避字諱

自六朝避諱之風太甚遂并字而諱之魏常林年七歲
父黨造門問伯先在否何不拜林曰臨子字父何拜之
有庾翼子爰問孫盛子放安國何在放答曰在庾稚恭
家童蒙訓曰晁氏家風呼外姓尊長曰某姓第幾伯某
姓姑夫不敢字也馬永卿見劉器之問王築安否劉曰
王學士安退而語人曰劉後生不宜稱前輩表德張子
厚爲呂東萊表兄與書未嘗呼字楊應之有尊行在朝
呼應之應之不答或云朋友宜呼字而尊不得字卑杜
預則云稱其父字于人子之前子有所尊而不敢當非

諱之也

古稱字最貴

今人稱呼有某翁某老之稱且稱之于少年非禮也按
禮冠而有字以表德也春秋之義以稱賢者然二百四
十年中亦不過十二人而已子貢以字稱師子思以字
稱祖袁盎兄子種以字稱叔匡衡傳匡鼎來張晏註是
衡字引衡書匡鼎白証之而顏氏譏衡不宜自稱其字
可知稱字最尊年二十有爲人父之道同輩不呼其名
故冠而字之年至五十更尊故曰五十以伯仲猶今之

稱某丈也李翱答朱載書云師于門人則名之朋友則字之引言游過矣子夏云何爲証毛詩稱尹吉甫仲山甫哀公誅孔子稱尼父孝經子曾子而字仲尼禮運字仲尼而名言偃西漢惟子房一人得稱字後世後學呼退之兒童誦君實未有不以字爲貴者李肅之上疏抗直歐公以札賀之李喜曰歐公平日以尊兄見稱而札中忽呼我字是愛我也

不避諱更可笑

六朝避諱苛嚴已屬可笑乃有祖孫同名若雁行兄弟絕不避忌如南朝王悅之父靖之祖獻之曾祖羲之是四代祖孫同一名也晉王彪之之子臨之孫納之曾孫准之元孫輿之輿之子進之是六代祖孫同一字也且有子而字父者晉書胡毋輔之子謙之曰彥國不得爾王濛自照鏡曰王文開生此兒豈他人不得稱父字而子乃得稱父字豈不更可笑乎宋書林邑國王名陽邁夷人以精金爲陽邁故其子亦名陽邁猶奇

自稱其字非禮而自稱亦可

顏氏家訓譏匡衡不宜自稱其字然後之名士往往有

之王右軍敬謝帖稱王逸笑白廬山遠公集盧循與遠公書稱范陽盧子先叩頭柳公權與弟帖末云誠懸呈荔枝樓法帖有陳文惠與人書前云堯佐白而後云希元再拜

稱先子

國語公父文伯之母曰吾聞之先姑又曰吾聞之先子註先子先舅也稱夫之父蓋季悼子也舅姑在稱君舅君姑舅姑亡稱先子先姑見爾雅

嚴君三稱

易家人有嚴君焉父母之謂也是母亦稱嚴君而今人專以屬父國策秦人稱樛里子爲嚴君則并不止于父母矣漢王朗曰家人有嚴君并竈之謂也則又一解矣

考妣三稱

易曰喪其祖遇其妣是祖母稱妣也今人專以屬母蓋本堯典如喪考妣爾雅生日父母妻死曰考妣嬪之義然東漢郭君碑曰哀哀考妣追惟實靈下商號咷喪子失明則父母生時亦稱考妣矣

尊老二稱

南史何平子曰尊老在東稱母也今專以屬父然右軍十七帖云此間士人皆有尊老又似尊老二字亦父母之通稱

府君二稱

陳元方曰府君高明之君稱祖也今專以屬父然漢碑往往稱太守曰府君邛都夷傳夷人稱張翁之子曰郎君儀貌類我府君

先君可以稱遠祖

今人稱亡父為先君而孔子順稱六世祖曰先君孔安

國稱二十七世祖亦曰先君

太公二稱

文王謂呂尚曰太公望子久矣似太公者稱祖也而漢高稱父曰太公劉表與袁尚書稱其父紹亦為太公

妻亦稱孺子

國策薛侯所寵七孺子妾也而漢書顏師古註東城侯劉襲為孺子所殺乃妻也杜預註左氏之南孺子亦云妻也

男子稱寡稱嫁

女子稱寡而左氏崔杼生成及疆而寡易林曰久鰥無偶思配淑女求其非望自令寡處是男子亦稱寡也女子稱嫁而列子國不足將嫁于衛張湛註自家而出曰嫁是男子亦稱嫁也

高祖乃遠代之通稱

今人稱五世祖為高祖而鄒子稱始祖少皞為高祖周景王謂藉談曰昔爾高祖孫伯厲云云以九世祖為高祖

父稱官姑稱阿家

吳人稱父為官南史袁君正父疾不眠專侍左右家人勸眠曰官既不眠眠亦不安稱姑為阿家范曄臨刑妻曰阿家莫惱

從子稱姪男非古而稱亦可

清波雜記曰唐碑顏真卿柳宗元俱以從子稱姪男某非古也左氏曰姪其從姑又云其姪駸聲姬生光爾雅曰謂吾姑者吾謂之姪漢書法苑廣傳兄弟之子皆稱子不稱姪也姨母有母名稱甥曰非而況叔伯乎朱子以為猶子之稱亦不與古人但兄子弟子耳王伯厚曰

呂氏春秋黎邱之鬼善效人子姪昆弟之狀則先秦已有姪稱未為非古

稱卿

向人稱卿以上臨下之詞王渾妻曰我不卿卿誰當卿卿謔語也宋璟責楊再思曰卿非張卿家奴何郎之有正語也南齊陸慧曉去嘗卿士大夫曰貴人不可輕賤者乃可卿人生何容立輕重于此必抱故終身常呼人位

別字非古

別字乃可有可無之稱 賈東發言史衛王子弟與趙制

置子弟徜徉東園無可矯 乃制 是雲麓子洲等字以自夸皆統袴習氣不可為 訓今并其某菴某齋而再易為某翁某老則尤悖矣 雜記附于殤稱陽童某甫此死者不祥之稱姜西溟答 元公書亦言之甚詳

賜號之奇

元帝師八思巴創蒙古子賜號自天之下一人之上大寶法王大元帝師郡縣塑像立廟

唐人稱郎最貴

楊再思謂宋璟奈何卿六郎璟曰君非張卿家奴何郎

之有是以郎爲貴也朱滔稱田悅曰八郎李晟稱田希鑒曰田郎安祿山稱李林甫曰十郎馬燧嶺山之敗爲水所決遣人謂朱滔曰願與諸節度以河北事委五郎滔大悅

稱謂之奇

唐明皇稱其父睿宗爲四哥曰四哥仁孝同氣只太平一人棣王琚亦稱明皇曰惟二一哥辨其罪稱父爲哥皆奇裴勛稱父坦之爲十一郎韓詩外傳曾子親戚旣沒欲孝無從稱父母爲親戚皆可唐書朱滔與王武俊書

稱大王二兄唐時節度亦有互稱大夫二兄者通鑑慕容泓與苻堅書速出家兄皇帝所云家兄皇帝者慕容暉也錦里耆舊傳朱溫賀蜀王建書稱八兄皇帝宋書樂達國上宋主書稱大吉天子足下宋王黼稱梁師成爲恩府先生蜀李雄稱范長生爲天地太師魏胡太后尊其父爲太上秦公見魏書宋仁宗聞李宸妃不得其死開棺驗之見玉色如生乃詣太后靈前曰自今大娘娘平生分明矣稱太后爲大娘娘見長編西夏自稱青天子稱中國爲黃天子見長編金世宗封海陵父爲

皇伯太師元史世祖呼董文炳曰董大哥征八百媳婦
兵敗曰董二哥之言驗矣二哥者董士選文炳子也君
稱臣為哥亦奇

稱謂愈降而僭

春秋僖公以前大夫無稱子者但以伯仲叔季為稱後
始有季文子之稱至戰國則子不足言而稱之為君矣
弇州觚不觚錄稱翁者三品九卿耳其後稱方伯大以
為僭今揚州商人年才弱冠即以稱翁兩司稱撫臺曰
老先生後專稱翰林已覺其僭今學博主簿亦稱老先

是子弟亦可稱側室也賈誼曰高皇帝與諸公並起非
有仄室之勢以豫席之仄與側通

丈人五稱丈母亦長老之泛稱

外舅古無呼丈人之禮裴松之注三國志董太后之姪
卞于獻帝為丈人一語極辨其非然單于稱漢天子我
丈人行其時漢以女妻單于故有此稱即是外舅稱丈
人之始而柳子厚祭楊詹事云文則直呼外舅為丈人
矣俗說泰山有丈人峰故以岳丈稱婦翁或云張燕公
因東封而婿遷官故稱翁曰泰山皆非也按漢郊祀志

大山川有嶽山小山川有嶽嶠山嶽而有嶠則泰山可
以稱婦翁蓋亦嶠與婿之訛按古所稱江上丈人荷篠
丈人漢魏勃對太尉曰失火之家豈暇先言丈人皆長
老之通稱而唐書韓滉勸劉元佐入朝見其母曰滉力
能送弟入朝丈母垂白不可率婦女往填宮云云是丈
母亦長老之泛稱非必外姑也惟蔡邕問周孔讓曰父
母中外姊妹何稱曰稱丈人稱母姊妹爲丈人尤奇而
抱朴子稱山中呼丈人者兔也晉書天文志軍市西南
二星曰丈人

妾有女可稱庶母

或問竹垞先生妾有子而後稱庶母如僅有女亦可稱
母乎曰可女卽子也論語以其子妻之

妾稱姬

凡妾女皆稱姬人俱以王姬下降之故周姓姬以姬爲
貴故也雖以訛傳訛而國策史記皆泛稱幸姬如姬鄧
都亦云亡一姬復一姬進如淳注呂后紀得定陶戚姬
云姬衆妾之總稱也蕭綸有見姬人詩劉孝綽有咏姬
人未出詩葛立方韻語陽秋辨之最詳宋稱公主爲宗

姬劉器之不可曰是女而妾之也不學已甚

父兄稱先生

人疑朱子注論語有酒食先生饌以先生為父兄于古無出考儀禮有司徹章先生之肴折脅一膚一鄭注先生長兄弟也疑即朱子所本而加一父字耳

甥有四稱

爾雅妻黨云妻之昆弟為甥姊妹之夫為甥毛傳曰外孫曰甥今人但知姊妹之子為甥

稱內兄弟有二而皆非妻之兄弟

內兄弟有二解其一姑之子稱舅之子也其一儀禮所謂獻內兄弟于房中蓋內賓宗婦也皆同姓故謂之內今以稱婦弟婦兄誤矣左氏聲伯以外弟為大夫杜註同母異父之弟也爾雅曰婦之黨為婚兄弟婿之黨為媯兄弟此則異姓兄弟之稱金罍子以姑子為外兄弟舅子為內兄弟

稱別子有三

別子有三解陳澧曰一是諸侯適子之弟別于正室者是也一是異姓公子來自他國別于本國不來者是也

一是庶姓之起于是非爲卿大夫而別于不仕者亦得稱別字也

餘子

左氏所謂餘子公行者杜預注嫡子之母弟也

稱慈母有三

慈母有三解南史司馬筠傳梁武帝曰一妾子無母使妾之無子者養之此儀禮齊衰章所云慈母如母者是也一嫡妻子無母使妾養之雖均爲慈愛而嫡妻之子妾無爲母之義此喪服小功章所不直言慈母而云庶

母慈已者是也一則子非無母擇賤者視之義同師保而不無慈愛故亦有慈母之名師保無服故慈母亦無服也

稱先輩有五說

今翰僉科道宰相踵明季餘習先中科先入官者有前輩之稱日知錄引采薇詩注言之甚詳殊不知古人先輩之稱非僅此也吳充以秀才投文于歐公而公與書稱爲先輩李方叔東坡門人也坡與書稱爲先輩唐摭言牛僧孺應舉時韓愈皇甫湜往見之于青龍寺呼爲

卽先輩王凝知舉日取司空圖第四王謂衆曰某忝文柄今年榜帖爲司空先輩一人而已文中子謂魏徵及房杜曰先輩雖聰明特達非董薛程仇之比以上數條皆指後輩而言非近日相稱之前輩也歐公與宋子京共脩唐書以子京先輩不敢有所改削此則翰詹衙門序科目近日相稱之先輩也李肇國史補云士人互相推敬謂之先輩墨客揮犀唐人榜下擇婿爲嚮婿有一新先輩爲貴家所慕云云韋莊下第有獻新先輩詩文有雙隻先輩之稱容齋續筆同年小錄新進士各一人

分寫坐上年齒長少分雙隻先輩相向而坐以上數條皆指同輩相稱而言又不止後輩之說吳子華女責其夫王定保曰先侍郎重先輩名行俾妾侍箕箒是妻稱夫亦呼先輩也見潘若同郡國雅言

稱憲臺

鄂西林相公云今稱上官爲憲臺者非也晉書稱漢罷御史大夫而憲臺猶置以丞爲主御史中丞是也通典唐龍朔二年改御史臺爲憲臺是憲臺之稱內惟都御史外惟總督巡撫當之耳今通稱司道府爲憲臺悞矣

余按元人黃潛筆記云漢因秦官置御史大夫掌副丞相所居曰府曰寺曰憲臺朱博傳但稱御史府而後人多引博故事稱栢臺烏臺蓋御史有二丞其一在蘭臺謂之中丞其後御史大夫一官廢獨存尚書謁者爲三臺齊有都水臺隋有司隸臺是也唐雖改御史爲憲臺而亦改中書爲西臺秘書爲匱臺不專以御史所居爲則以憲臺稱上官似可通融至于所謂外臺者漢以稱三司監院唐以稱州郡之帶御史銜者宋之監書不帶御史銜而人以其掌糾察之任亦呼外臺

稱大人三解

大人二字見于周易論語皆德位兼隆之稱然考之史傳東漢鄧康不肯呼宮婢爲中大人蔡邕傳外間紛紛有所謂程大人者似乎大人之稱在漢不過宮監中人耳趙熹傳呼城中大人示以國家威信則亦不過紳士之泛稱若韓歆號南陽大人蘇桓公長者三輔稱爲大人回紇占見郭公見一大人而還此則以德言者也疏廣傳子稱父及叔父曰大人是家庭之尊稱又一解也北魏置二大人對領南北二部又置天地四方爲六部

大人是方伯連帥之職單于有五部大人皆外夷之尊
稱又一解也梅文穆云康熙時除欽差外使雖督撫亦
不稱大人今司道俱稱大人矣

隨園隨筆卷三終

隨園隨筆卷四目錄

摘史記註

世系難考

史家自序世系

史遷序事意在言外

史遷矛盾

釋孔子世家

史記體例未備

班氏史例

東漢書誤倣史記

晉書之失

裴松之三國志補

新舊唐書得失

新舊唐書異同

新唐書硬刪文義
強用僻字

班氏有識緯陋習

前漢紀與漢書異同

後漢紀與漢書異同 遼史名號互異

元史成太速 一人兩傳

兩人一傳 一人兩史有傳

楊惲事漢書 與謝承後漢書不符 金史重複

元史重複 宋史有三

史記古註 史記正義 史記集解 史記索隱 史記補遺 史記評林 史記選本 史記輯覽 史記集解 史記正義 史記集解 史記正義 史記集解 史記正義

隨園隨筆卷四

錢唐袁枚子才著 仁和邵希曾編校 無錫賈崧

摘史記註

史記古註唐司馬貞作索隱張守節作正義其采取古書常摘出之如引龍魚河圖云蚩尤兄弟八十一人並獸身人語銅額食沙帝不能征仰天而嘆天帝乃遣元女下授兵符引山海經云帝令應龍攻蚩尤尤請風伯雨師以從黃帝乃下天女曰魃以止雨雨止乃殺蚩尤于凶黎之谷引帝王世紀云帝夢大風吹天下塵垢去

有人持千鈞之弩驅羊旦而占之乃得力牧風后帝元
妃西陵氏女曰嫫祖生昌意次妃方雷氏生青陽次妃
彤魚氏生夷鼓次妃嫫母班在三人之下堯初生時其
母在三阿之南寄養伊長孺家故從母所居之姓爲伊
耆氏引列女傳云堯女長曰娥皇次曰女英大戴禮作
女匭舜之親戚謂象妹黜首等也引通史云瞽叟使舜
滌廩舜告二女女曰去汝裳衣龍工往引列女傳云陶子五歲而
二女女曰去汝裳衣龍工往引列女傳云陶子五歲而
佐禹引帝王世紀云鯀妻修己吞神珠意苴胷而生

禹名文命字高密引楊雄蜀王本紀云禹本汶山廣柔
縣人生于石紐辛壬娶塗山癸甲生啓娶妻二口而生
子也引帝王世紀云鯀妻修己吞神珠意苴胷封之
手鋤羿臂長故以射聞伊尹者力牧之後也引呂氏春
秋云有侏氏采得嬰兒于空桑後居伊水命名伊尹尹
正也非名也湯使之正天下也劉向云伊尹爲湯言素
王及九主之事九主者法君專君授君勞君寄君破君
等凡九品也引齊王世紀云紂倒曳九牛撫梁易柱姐
已爲有蘇氏女見炮烙則笑引六韜云紂爲酒池回船

糟丘牛飲者三千餘人烹伯邑考食文王曰誰謂西伯
聖者食其子羹尚不知也引鄭康成云商容者商樂官
知禮容故今禮署號容臺引地理志云傳險者傳說所
隱處也故窟名聖人窟孔安國云傅岩有澗水壞道商
王使刑人胥靡者築之說乃代胥靡築以供食也引世
本云公非辟方雲都亞圉皆太王祖也而皇甫謐以爲
一名一字止二人也引劉向別錄云鬻熊事紂七十五
諫而不聽引帝王世紀云穆王南征楚人惡之以膠舟
迎王至中流王及祭公溺于水其右游靡長臂多力游

水得王尸引周春秋云杜伯受誅三年宣王出于圃日
中杜伯起于道左朱衣冠射中正心折脊而死報王爲
諸侯所逼負責于民乃上臺避之號避責臺引博物志
云徐君宮人孕一卵以爲不祥棄之水有犬鵠蒼銜卵
歸覆燠之生兒爲徐偃王有筋而無骨鵠蒼臨死生角
而九尾化爲黃龍引錄異傳云秦文公伐雍南山梓樹
樹神畏披髮故置髦頭引舒雅史纂云宋太王社亡亡
者自亡也猶秦鼎之自飛也引茅盈內紀曰始皇三十
一年九月盈曾祖蒙于華山升天童謠曰神仙得者茅

初成駕龍上升入太清時下元洲戲赤城繼世而往在
我盈帝若學之臘嘉平始皇聞之方有神仙之志引陳
留風俗傳云沛公喪母于黃鄉爲帝後以梓宮招魂葬
有丹蚘在水躍入梓宮其浴處有髮號昭靈夫人引三
輔故事云始皇時隱宮之徒至七十二萬所割男子之
勢高積成山高祖被十創十二矢石中通者四卒以征
陳豨中流矢崩引皇甫謐應邵云太公名熒字執嘉呂
公名文字叔平亭長卒名弩父引老子道經云月中仙
人宋無忌白澤圖云火之精曰宋無忌益火精也引解

道彪齊記云古有日夜出見于東境故萊子立城號不
夜城引風俗通云李冰爲蜀守江神取女二人冰以己
女與神婚遂入江與神鬪良久有兩蒼牛鬪于江峯夢
中告主簿曰南向腰中正白者我殺也主簿遂刺殺北
面者引越絕書云吳王冢在猶亭西界猶之右夫差縊
後越王使干戈人以一塚土葬之引馬融曰蒼兕主舟
官王充以爲水獸九頭故武王伐紂軍中誓之以懼衆
也引括地志云齊桓公冢在牛山晉永嘉時伐之得石
版水銀池有毒氣不得入經數日牽犬入之得金數十

甯人骨狼籍蓋殉者也引司馬彪曰箕子名胥餘夏侯
元曰微子仁之窮也箕子智之窮也引干寶辨陸終氏
剖圻而生曰黃初五年汝南屈雍妻王氏生男從右脇
下水腹上出數月創合母子無恙引宋均註樂緯曰熊
渠嫡嗣曰熊肇有惡疾別封于夔引春秋緯云蕭何感
昴精而生楚漢春秋高祖封張負爲鳴雌亭侯引漢名
臣奏曰武帝難河間五策王悉條對帝絕然忌之曰湯
以七十里文王以百里王其勉之王知其意歸宴樂以
終引姚字識名云天子諸侯妃有月事者以丹注面令

女史見之不口奏漢律見姪變不得侍說文姪女汗也
引外傳云孤竹君是成湯時三月丙寅日所封夷齊父
名初字子朝姓墨胎伯夷名允字公信叔齊名智字公
達夷齊諡也引元妙內篇云李母懷胎八十一年歇李
樹下剖左腋生老子引二寶三日記云徵在生孔子空
桑之地今名寶竇在魯南山之空竇中無水當祭掃則
有清泉出焉祭訖泉枯今名女陵山魯得龜陰之田築
城以旌孔子之功號謝城引琴操云孔子至匡郭外顏
淵舉策指穿垣曰往與陽貨從此入匡人乃圍之孔子

援琴而歌有大風擊軍士僵乃免引欒肇曰見南子卽
又王之拘姜里也矢陳也孔子爲子路陳天命也引戰
國策云豫讓刺趙襄子不得請襄子衣而擊之衣盡出
血襄子回輪而亡別燕丹子曰軻與丹遊東宮池拾瓦
投龜太子捧金丸而進之又共乘千里馬曰馬肝美遂
殺馬進肝又美人鼓琴軻曰好手遂斷手以玉盤進之
引衛宏詔定古文尙書序云秦既焚書乃密種瓜子驪
山陵谷中溫處瓜實詔博士諸生說之人言不齊乃令
就視爲伏機焉俟諸生至方相難不決因發機而填以

土終乃相壓無聲也今新豐縣溫湯之處號愍儒鄉

世系難考

史記后稷至文王以十五世而衍爲一千九十年是六
十始娶八十始生子也契至成湯四百二十年業已十
四世是皆三十而娶四十有奇而死也魏收作魏書自
叙世系以魏無知爲七代祖其中乃相去七百年是收
之祖宗皆百餘歲方生子也凡如此類可發一笑

史家自序世系

漢書楊雄傳序祖系最詳亦倣太史公自叙之體故也

後范氏之序班彪南史之序沈約北史之序李延壽相延爲例似屬不必若因文人能自序得姓之詳而爲之備載則不勝其煩南史崔慰祖與仲弟書云常採史漢所漏二百餘事編纂成書在厨篋中可見漢史所載正未詳也何暇代人述祖系乎惟大戴禮帝系一篇最詳足補史記所未有

史遷序事意在言外

史遷序事有明知其不確而貪所聞新異以助己之文章則通篇以幻忽之語序之使人得其意于言外讀史

者不可無識也卽如屠岸賈一事三傳所無史遷不忍割愛故趙世家八手卽序烏身人面之中衍隨即序周穆王見西王母以下將妖夢鬼神之事重疊言之皆他世家所無也若曰屠岸賈事之有無亦如是云爾張良傳曰黃石公曰滄海君曰赤松子皆莫須有之人以見四皓之傳聞亦如是云爾後人爲之互造姓名陳留志孔父秘記所載互殊任昉文章緣始以惠帝立四皓碑爲人臣賜葬之始俱附會之說通鑑刪之溫公可謂有識碑云四皓爲惠帝司徒考百官公卿表惠帝時並無

司徒之官

史遷矛盾

辛壬癸甲孔安國言辛日娶塗山之女甲日往治水啓生不八言其勤也太史公以爲取塗山女四日之內生啓故不八是疑其妻而惡其子也秦本紀言穆公以五羊皮贖百里奚商鞅傳則言舉之牛口之下秦本紀上文言武王誅惡來下文則言惡來飛廉子也早死周本紀武王卽位九年祭文王之墓然後起兵伯夷傳則曰父死不葬微子業已反縛矣又牽羊又抱祭器是微子

有四隻手也武王伐紂爲救民也何所怨毒而必三射之且懸其首于太白之旗操莽之所不爲而聖人肯爲之乎歐公帝王世次圖序亦極言本紀世系之荒唐如舜娶祖姑禹攝位時以時考之年只六歲是也

釋孔子世家

王荆公譏史遷不宜列孔子于世家以爲孔子之道不因世家而尊姜西溟以史遷列孔子于世家非尊孔子也遷之于晉則曰嘉文公錫圭鬯作晉世家第七於越則曰嘉句踐滅強吳尊周室作越世家第十二於鄭於

趙於韓皆然而序孔子則曰周室既衰孔子追修經術以達王道作孔子世家第十七其意諸侯之得世其家者以其知有天子而能匡亂反正也以天子之權歸之於周者莫如孔子故附孔子世家以明其始終爲周之意而尊周者諸侯之事故上不得比於本紀而下亦不夷爲列傳也羅堅甫云史公以陳涉爲世家列於孔子之後者有深意焉遷以秦燒詩書則孔子之道幾於墜地涉與項羽獨能起而亡秦以存孔子之道故列勝於世家而列羽於本紀不然隴上耕夫何世家之有此說

亦與西溟先生相發明也

史記體例未備

史記有意爲褒貶如進項羽陳涉爲世家而黜淮南衡山爲列傳是也有隨意標題而心無成見者如蕭曹稱相國而留侯絳侯稱封爵酈食其稱生而石奮稱萬石君魏公子稱信陵君而平原君稱趙公子勝是也蓋作史之初體例未備

班氏史例

班氏作傳有於本傳不終序之而終序於別傳者如張

陳國... 卷四
蒼寶嬰等傳是也有因一事相同而合序之者如樂布
被賣季布亦被賣張湯有賢子杜周亦有賢子故傳相
聯而及也有因其文辭相類而合序之者如賈山鄒陽
枚路是也有因其受禍相類而合序之者如晁弘夏侯
京房等是也有為賢者諱而以過失散見於他傳者如
周勃之汗流見於王陸傳霍光之不學無術見於貢禹
之譏武昭厚葬蕭望之不肯露索是也有為尊者諱如
戚夫人被殺不載高后紀而載外戚傳是也有以一人
為王而以諸人附之者如衛霍後附以蘇建李息等是

也有應入藝文志而不必入本傳者如楊雄相如之諸
賦史遷論六家之要指是也有應入郊祀志而亦誤入
本傳者如匡衡李尋之諸疏是也他如楊王孫之裹葬
胡建之誅監軍朱雲之折檻梅福之挂冠俱有獨行之
意故合為一傳至於宣本紀乳皇孫者女徒趙微卿丙
吉傅則以為郭徵卿則亦一時之悞

東漢書誤做史記

東漢書以董宣為酷吏做史遷以郅都為酷吏也殊不
知宣非都比宣與周紡樊曄不過搏擊豪強而已實一

時之賢臣史遷深惡都當文帝寬仁之後首作悻悻舉
止以結主知以引甯成義縱之朋類故以酷吏之冠真
良史垂戒之心非范氏所知惟循吏則專數古人而漢
廷無一焉雖以吳公文翁之賢寧見於後傳且序酷吏
必屢稱天子以為能未免露謗書之意或曰郅都不救
賈姬殊似正人余答之曰此都之所以媚太后也猶之
高頴之斬張麗華所以媚獨孤后也卒之二人終得罪
於兩后小人枉白為小人或曰都不與臨江王筆似非
媚太后者曰此都之所以媚帝也試觀田叔燒梁獄詞

保全骨肉豈非君子小人用心之別與都之言曰亡一
姬復一姬進固以人命為兒戲也以此誘君心君心尚
可問乎

晉書之失

晉孝友傳以李密為冠忠義傳以稽紹為首是也韋忠
為劉曜盡節何與於晉而與劉沉王豹並列乎鄧攸諂
媚權貴棄絕天倫是何人品王宏川發婦袒服於路是
何政體而列循吏傳乎夏統傳促數煩志全是唐人小
說非史體也韓壽傳言其卒且贈侯而賈后傳言其伏

誅自相牴牾桓彞死蘇峻之亂久矣而桓振傳稱振聞
桓彞死欲弑帝是訛舛也諸葛長民劉毅孟昶等皆有
攘桓元之功而傳中爲宋高祖故極言其凶邪是誣善
也桓溫廢海西公王彪之定廢立之謀忘君臣之義朝
延以此服之是獎亂也庾亮不入外戚許旌陽顧愷之
葛稚川不入方技俱不可解至於賈充見鬼阮瞻見鬼
王導見蔣子文符堅望八公山木皆兵以爲王道子禱
神之驗之類則幾乎志怪矣

裴松之三國志補

裴松之補三國志如駁辨官渡之兵數核正黎陽之婚
期以蔡雍嘆董卓爲誣罔証孫郎襲許爲乘時俱極允
當補魏受禪讖書三萬餘言及鍾繇殺鬼婦蔣濟夢亡
兒掘地得范明友之奴等事屬誦詭似不可補張魯傳
註引典畧駱曜教民緬匿法緬匿法不可解或是抱朴
子介象蔽形之術耶後漢書劉焉傳註亦引典畧則刪
去此語劉廙傳注引廙別傳箋謝劉表稱若羽之恩已衰
考羽二字不知何解或云二人名也然傳既不列其名
而松之又不能舉其姓何耶

新舊唐書得失

宋吳縝作新唐書糾繆分二十目層層駁辨是矣然瑕瑜不可盡掩若高祖起事太原而本紀即總書某人據其處則新書較舊書自具綱領高士廉傳舊書攙入朱桃椎武后紀舊書詳述侯祥穢語新書刪之極為得體封常清高仙芝募兵關輔戰周南市人之卒原在哥舒敗亡之後作史者自應列哥舒在前方有肩自不然唐府兵雖亡曠騎尙在何以草草如是新書先列哥舒極為扼要然封常清臨死上表叙潼關之情形表不死之

之心事情文悱惻頗有可觀而新書全刪之張柬之馭進士王元感論三年喪極有關係而新書又刪之悞矣新書之不當刪而刪者帝紀之誥勅也當刪而不刪者宰相之世系也吳王為長孫無忌所陷而舊書混書與房遺愛謀反伏誅此不如新書之書殺荆王元景吳王恪為得實也凡改元者新書竟稱元年而舊書必稱永徽七年顯慶六年以見改元之並非正月其或改於九月或改於八月者方得明晰此不如舊書之精細也

新舊唐書異同

新書房元齡字喬舊書房喬字元齡舊書子儀長六尺
新書子儀長七尺二寸新書安樂公主方覽鏡畫眉兵
入被誅舊書公主聞變與武延秀閉門格鬪良久始敗
舊書不爲龐勛立傳附見於張仲方傳中新書亦不爲
龐勛立傳附見於康承訓傳中新書言桑道茂受朱泚
官而舊書言泚入長安城時道茂已卒沈傳師言天后
紀仍宜書中宗在房陵倣春秋書昭公在乾侯之義蓋
駁吳兢也舊書載之最詳而新書則不知此例

新唐書硬刪文義強用僻字

新唐書自夸文簡於初事增於舊然硬刪舊文一二字
往往晦澁不通如長孫后傳后曰安業之罪萬死無赦
然不慈於妾天下知之刪去天下二字改曰不慈於妾
戶知之舊書皇甫鎛傳柳泌繫京兆自云四百歲吏防
虞周密慮其隱去及解衣就誅了無他異新書刪去自
云四百歲之語而但云死無他異然則云他異者何所
指耶鄭縻傳縻聞作相曰萬一如此笑殺他人新書刪
去如此二字曰萬一然笑殺天下人此曰知錄所摘也
余又摘數條如蕭穎士傳人勸其僕去僕曰非不能去

但愛其才耳新書刪一去字曰非不能則不成句孫可
之書何易於云故相裴公刺史綿州嘗欲觀其政導從
不過三人其合易於廉如是導從者裴公之導從也卽
黎幹減騶之義也新唐詩引之而刪改曰導侍不過三
人廉約益資性則竟指爲易於之導侍矣又好用說文
奇字自矜其博李密傳赦庾之藏有時而餽餽盡也温
彦博傳不待再棋棋期也他如亭伯紛纒云理騫短孔
才嫌醜仲任瀧漉蘊古挺切陸贄蹈窾王伾逵陋歐陽
通寢悅房瑄箝索淳風詆摭元澹傳之及礮穴脞李揆
傳之蒞枕圖史韓愈傳之孺嚙道真皆是割裂字義有
愧大家

班氏有識緯陋習

史遷作高祖本紀贊以忠質立義明乎繼三代者高祖
也最爲得體班氏遠引參龍之劉累以爲漢承堯運又
於列傳中以韓增之貴本於周烈杜延年之貴本於唐
杜世祿以霍光之貴爲霍叔苗裔皆染東漢人識緯習
氣

前漢紀與漢書異同

荀悅漢紀與班氏漢書異者如漢書詔稱骨肉之親祭而不殊紀稱祭而不殊武帝立宛貴人昧察為王漢書作昧蔡蔡王父偃者紀稱孔奢漢書作孔車紀稱梁相有褚大通通五經博士漢書兒寬傳初梁相褚大通五經為博士時寬為弟子及御史大夫缺徵褚云云是漢紀重一通字也其勝漢書者紀稱灌夫罵程不識不直一錢田蚡曰君衆辱程將軍獨不為李將軍地乎李將軍者李廣夫素所敬也漢書刪此二句則為李將軍地一語意不顯矣遼東高廟災董仲舒家居以為高廟不

當居遼東高廟便殿不當居陵於禮不當立廟在外像諸侯不正者高園在內像大臣不正者漢書刪此數語而添入其弟子呂步舒不知其師書以為大愚云云然則其師書所說者何語耶

後漢紀與漢書異同

袁宏後漢紀與范氏後漢書異者如孝和紀稱梁竦與舞陽公主相罵而漢書則云與舞陽公主私相慶漢書董卓傳直載卓廢弘農王而紀則詳序王之不肯飲藥與唐姬公唱歌一章詞甚哀婉有天道易兮運何艱棄

萬乘兮退守藩之語李充薦士與鄧隲隲勸食肉充厲聲曰說士甘於肉此漢書語也紀則云充說海內隱士頗多不合隲舉炙曰君宜溫食之充受炙擲地曰說士之樂甘於啖炙紀稱太后使家舊往問鄧康病宮中婢年長者稱中夫人康曰汝非我家婢耶何得稱中夫人漢書宮婢問康疾自稱中大人非夫人也河南尹田歆問外甥王譔曰河南當舉六孝廉皆得貴人書命不宜相違欲以五副之舉一清名躋成就者上以報國下以託子孫譔薦種嵩曰洛陽門下吏也歆笑曰當得隱滯

之夫乃洛陽吏耶譔曰夫異士不居山谷居山谷者但其居處異耳德未必有也處人間而有異而人不知已獨知之乃奇耳此數語覺曲折有味漢書刪之曰山澤不必有異士異士不必在山澤語雖練而味薄矣惟刪去托子孫一句使歆身分較高又杜根諫鄧太后還朝政太后怒以絹囊盛根於殿撲殺之紀稱根先知之召司撲者陰共爲意使不加力故以撲輕得免漢書則云執法者以根知名故私屬行事人不加力遂得免亦使根身分較高

遼史名號互異

遼天祚帝紀云以楊割爲女直部節度使卽金之穆宗其名盈歌金史世表曰南人稱楊割太師又曰楊割號仁祖金代無號仁祖者盈楊歌割由南北音訛耳乃宋之楊淑妃稱章惠太后見宋綏傳而淑妃本傳不載其謚元之文宗名圖帖睦爾而順帝至元五年詔內稱脫脫木兒此詔四百餘言而文宗與順帝兩紀重書之況文宗時固有萬戶脫脫木兒知樞密院事及荆王子脫脫木兒奈何帝后之名號在一史中猶互異若此

元史成大速

元史自太祖迄寧宗十三朝之事自二月至八月而書成順帝時事自二月至七月而書成成之太速故多訛錯重複之病天文志重述渾天宣夜周髀三家言禮樂志抄寫樂記藝文一志竟忘編入尤可笑者取人行狀家傳全書之而不加裁剪其行狀家傳又多庸腐空疎如今之時文樣子黃潛傳云極天下之至博而參之以至精譬之澄湖不波一碧萬頃揭傒斯傳云人才賢否一律以是非之公至於物論之不齊必反覆辨論以歸

之於至當歐陽元傳云文章道德卓然名世羽儀斯文
贊衡治具與有功焉此豈史傳之體裁乎史臣宋濂王
禕自謂文詞過陋有矣乎

一人兩傳

舊唐書之楊朝晟元史之速不台雪不台完者都完者
拔都此一人兩傳也只知錄會議之

兩人一傳

五代史拓拔思恭思敬兄弟二人也悞作一人陳后山
叢談會議之

一人兩史有傳

宋文帝第九子義陽王昺廢帝時奔魏明帝即位贖之
不與魏封昺丹陽王三尚公主齊明帝第六子蕭寶夤
梁豫章王蕭綜俱奔魏封王尚主以故宋齊梁書有傳
魏書亦有傳宋遼金時王繼忠仕宋爲鄆州刺史仕遼
爲樞密使更其姓名爲耶律顯忠其餘張邦昌劉豫張
覺郭藥師李全李壇宇文虛中王倫等皆兩史有傳

楊惲事漢書與謝承後漢書不符

漢書載楊惲之死爲與孫會宗書腰斬妻子徙酒泉獨

謝承後漢書楊豫傳云豫祖父惲封平通侯子會宗坐
與臺閣交通有罪國除豫上書乞還本土其詞云臣祖
惲念安社稷指刺奸臣以致死徙云云是與漢書不符
謝氏漢書今雖亡失而此語則見於顏氏匡謬正俗蓋
唐時此書尙未亡

金史重複

金史張行信傳言胡沙虎誅行信上封事載胡沙虎傳
可見一事之不宜兩載此史例也乃重複處不一而足
章宗李妃之寃見李妃本傳矣而又見於完顏匡傳中

少監劉景因太府燒案牘兩月取諸司賬簿補之吏坐
稽緩當得罪景爲之倒署年月爲馮六所告而誅已見
景本傳矣又見於孟浩傳中世宗稱王脩爲老姦一見
本傳一見張大節傳承安五年天色陰晦張萬奏咎因
小人張煒等一見本傳一見張煒傳舉一體配天之禮
証三祖共配之非一見禮志一見石琚傳哀宗人蔡事
一見烏古論鑄傳中又見赤蓋合喜傳中

元史重複

元史諸帝本紀中載星災月食河決事已詳而天文志

五行志又重載之陰陽推算重光有災胤蒙長久指武宗與仁宗也太后頗惑其言已見於皇后傳矣又見於康里脫脫傳中帝問宋何以忘國或以賈似道重文臣輕武臣對已見於世祖本紀矣又見於董文忠傳中史天澤奏兵民之柄不可並居一門已見於本傳矣又見於史楫傳中帝與趙子昂論葉李留夢炎優劣趙優留帝優葉已見子昂傳矣又見於葉李傳中倪哲篤欲錢鈔兼行不分子母呂思爭之甚力曰我有三字行不得行不得已見思本傳矣又見於食貨志中王著殺阿合

馬事已見阿合馬本傳矣又見於張九思傳中

宋史有三

儲同人曰宋史有三一時政記一起居注一曰歷兩府大臣撰時政記三館應升之上修起居注曰歷即據前二書交學士修撰而命宰相監修之故歐公有論史館曰歷狀

